

Polifonic di Rude, larc ai zovins

Daspò trente agns il Côr al à un gnûf president: Pier Paolo Gratton, president storic, al lasse il puest al zovin Matteo Gratton, 28 agns, che si invie tal stes troi segnât prin di lui. La nomine di Matteo e vûl puartâ il côr a mantignî i nivei che a àn costât tante fadie in graciis ai sacrificis di ducj i cjantôrs e de direttore, la mestre Fabiana Noro. I prins impegnis a saran la trasferte in tiere di Spagne e chê impuartante tal mê di Lui, a Graz in Austrie.

Il “Coro Polifonico” di Rude, diret di **Fabiana Noro**, formazion di nome oms di un cuarante di lôr, al à une lungje storie che tache uns 75 agns indaûr. Lis sôs fondis a son metudis uficialmenti tal 1945 e di chê volte al ten concerti in dutis lis bandis dal mont, dai stâts Unîts ae Mongolie, de Argentine ae Norvegie. Al è un côr che al à vinçût un grum di premiis (cun 42 partecipacions a concors dai plui impegnatîfs dal mont): tal 2005 un prin puest tal IX Concors di Cjant Corâl di

Tallinn, in Estonie, e tal 2007 a Linz, in Austrie, tal I Concors “Anton Bruckner”, il prin premi pe musiche romantiche.

Ma no si contente nome dal cjant corâl, il so otim nivel i permet colaboracions che a insiorin il so repertori cun strumentiscj e orchestris interiis. Al à registrât pe Rai e al à fat tancj lavôrs discografics e ancje un lavôr di ricercje su autôrs regjonâi publicant plui libris. Se in principi cuasi ducj i coriscj a jerin di Rude o di ali dongje, vie pai agns a son jentrâts coriscj di tancj paîs diferents. In di di vuê il côr al à ancje coriscj di fûr regjon, dal Venit e students forescj che a Rude a cjatin sodisfazion e inressite culturâl e professionâl. Cun dut chest il côr al cîr int gnove che e vueli jentrâ a fâ part dal grup.

STEFANO GASTI

Cui che al vûl svicinâsi al cjant corâl di alt nivel al pues clamâ il 392.999175 o cuntun contat di pueste eletroniche a polifonico@ilpolifonico.it.



La direttore
Fabiana Noro